

主编 吴德健



中国书画出版社

訂行彬六十初度酬唱集

章炳麟署



书名题写：章炳麟 封底篆刻：陆康

ISBN 978-988-9328-34-4



顾 问：周退密 顾易生 杭鸣时
章又新 章嘉陵 章景曙
陈伯良 许伟平 仲 廉

主 编：吴德健

责任编辑：曲 柳

出 版：中国书画出版社

地 址：香港新界荃湾大霸街荃湾广场538号

承 印：香港恒丰印务有限公司

开 本：787×1092 1/20

版 次：2012年8月

书 号：ISBN978-988-9328-34-4

印 数：1000册

设 计：浙江博雅艺术工作室

定 价：人民币：80.00元

前 言

海宁许行彬先生是我国近代著名报人，地方历史名人，毕生事业，厥功至伟。

今年是许行彬先生诞辰140周年，也是《许行彬六十初度酬唱集》出版80周年，为纪念先贤，德健兄用心良苦，终于抢救到了现已存世如凤毛麟角的原版书，并重新出版，这真是做了一件大好事，值得大家高兴和庆贺。

《许行彬六十初度酬唱集》中涉及人物众多，计有序作者77人，酬唱和作者271人，词作者7人，联作者227人，赠书画作者78人次，合计653人次。其中有辛亥功臣，南社巨子，社会贤达和文化名流等等，可称群贤毕至，少长咸集。


时值《许行彬六十酬唱集》重刊之际，让我们细细品读每一首诗词作品，感悟中华民族历史文化的博大精深，用优秀的民族文化滋润、丰富和充实我们的今天和明天。

陈伯良

2012年8月8日



1916年9月15日，应许行彬（前排左5）邀请，孙中山先生（前排左6）来海宁观潮时留影。（原照现藏中国第二历史档案馆）



1916年9月20日孙中山先生致许行彬的信函。（原件现藏海宁市博物馆）

論顧亭林王船山學術異同

嗚呼。大丈夫懷抱利器。鬱鬱不得志。退而著書。綜貫
百家。上下千載。詳考其得失之故。論議其成敗之由。
以天經地義為不可滅。以國計民生為不可忽。以華
夷種性為不可混。而傳學術以開來哲。其功固甚大。
其心亦良苦。其人豈數數覲哉。吾於明末大儒中得
二人焉。一為崑山顧氏。一為衡陽王氏。顧王二先生
其為亡國之民。即其抱亡國之痛。即而其學術則有

六十初度酬唱集

行年六十一事無成值茲國難臨頭何敢作稱觴之舉况內顧
家庭膝前兒女非熊難卜再來燈下夫妻牛衣時相對泣天倫
之樂安在傷心之處實多顧後思前更何慶之可言惟默計有
生以來飽經憂患舉人所最難堪之况味僕無不一一嘗之爰
賦述懷四章藉紀生平此第文人結習耳乃辱知好惠敘事實
代徵詩文或錫以燕許之鴻篇或贈以庾鮑之麗什楹聯詞曲
典雅精工更有投僕所好者法書名畫美不勝收諸君子之所
嘉惠於僕者用意良厚僕拜嘉之下感愧交并當此國粹消沉
之際不學少年輒以新體詩文相標榜盈篇累帙見之欲嘔儒

六十初度酬唱集

行年六十一事無成值茲國難臨頭何敢作稱觴之舉况內顧
家庭膝前兒女非熊難卜再來燈下夫妻牛衣時相對泣天倫
之樂安在傷心之處實多顧後思前更何慶之可言惟默計有
生以來飽經憂患舉人所最難堪之况味僕無不一一嘗之爰
賦述懷四章藉紀生平此第文人結習耳乃辱知好惠敘事實
代徵詩文或錫以燕許之鴻篇或贈以庾鮑之麗什楹聯詞曲
典雅精工更有投僕所好者法書名畫美不勝收諸君子之所
嘉惠於僕者用意良厚僕拜嘉之下感愧交并當此國粹消沉
之際不學少年輒以新體詩文相標榜盈篇累帙見之欲嘔儒

術日衰文風日下僕恐三十年五十年後求如諸君子今日之文字必不可得僕幸而得之敢不刊布以供同好耶詩文諸作謹照錄書畫則俟之異日併敝廬所藏攝影成冊再報雅意茲僅列表於後至其他幀物雖麗且多概從略此則深抱歉忱者也借此初度聊結一重翰墨因緣非敢以東坡壽言比也僕年非耄耄去壽尚遙天果假僕以年會當再與諸君子酬唱爾

民國二十一年歲在玄默涪灘陽月行彬許祖謙識於高陽小廬

許行彬先生暨 德配朱夫人六秩雙壽徵詩文啓

小春應候值盤古之誕辰大斗祈年數高陽之才子招隱有嶺
梅籬菊喜吟丁卯新詩懷芳如沅芷澧蘭爲慶庚寅初度樂齊
眉於鴻案剛周花甲之年華借仇手於兕觥有待螯辛之妙好
行彬許先生者本南閣之後嗣生東武之名邦祀溯雙忠壯凌
煙之色采庭瞻重慶爛旭日之光華秀早挺於芄蘭材已儲夫
樑棟藝穿七札文陣橫掃雄師名雋一鬢秀才早憂天下假使
雲搏萬里擊水有聲風引三山登瀛緩步行見玉堂視草綸閣
對薇雖儕文章侍從之班聯何與清濁聖賢之關域乃黃到槐
而屢踏丹有桂以難攀劉蕡傳下第之名張儉遭望門之厄何

况殘山剩水燕何處以安巢墨雨歐風龍有時而起陸俊傑必
知時務詩書豈爲科名高密大儒來受絳帷之經學海邦名士
傳觀黃絹之詞章三年業就屠龍暫向甌江賣硯四海聲聞呼
兕旋看鄂渚稱戈作師之陶鑄羣倫以俟君子自治之振興全
省豈伊異人三度議壇辨有生風之快十年浙局洞如觀火之
明藉木鐸以警沈迷裕金融以權財賦常作急流之過渡旋從
宦海以回帆此其經世之大凡尙非持躬之原本也通游俠傳
而六藝必宗乎儒讀貨殖書而一介罕言夫利尊天爵而浮雲
五等入地獄而普濟衆生金城自守夫金人鐵窗何慚於鐵漢
話到梓鄉疾苦如披鄭俠之圖悟來桑海變遷甘學陶潛之隱

一園雖小近市何嫌三徑誰來入林可把痛童烏之不永盼非
熊之再來有穀以謀詒孫采菽而知類我誼敦花萼歡叙竹林
德配朱夫人者蘋藻修儀桑麻課績同心黽勉比翼迴翔算是
初籌箕徵五福所冀

諸君子鳳樓獨造頌效麥邱鳧藻羣趨情抒華祝聊爲惶引用
介眉綏綏謹啓

褚輔成 吳思豫 王祖耀 陳德新 徐懋來
王正廷 張載陽 王廷揚 金百順 陸慶楹
周駿彥 陳布雷 蕭鑑 徐光溥 查人偉
陳其采 袁思永 王錫榮 杭毅祝鼎
啓

六十自述卽呈

諸大吟壇 政和

墮地無端六十秋會逢滄海正橫流名場已早醒癡夢

余昔年奔走南北今則不出

山想也

仕路甯甘割贅疣

見汪道昆善仕論余入政界五次皆不久自動去職

四度鐵窗由直筆

辛亥癸丑丙寅庚午皆以文字賈禍

三回議席在危舟

一二三三屆浙省議會余均當選然解散逮捕停選撤銷之痛苦余所感最甚

蹉跎頭白還須補敢盡

餘年便自休

家庭事事劇傷神罔極深恩未報親思子名樓秋有夢

余兄冠臣童年自署秋夢樓主

余覺不祥天折後余築高陽小廬卽名最高樓曰秋夢樓蓋示望思之意也

詒孫式穀火傳薪

余以內阮之子爲孫命名曰千秋嗣冠兒後

荆花非舊慚

羣季

先嚴棄養後弟輩主析產余不能止有愧田真多矣

黃酒如今少一人

余昆弟四人次第鹿賓早故

閒讀方山高隱傳

羨他自得樂天倫

東坡方山子傳謂季常妻子奴婢皆有自得之意余歎不如

翩翩裘馬記從前

余年少時以揚州狂杜自命

海內論交到魯連

中山先生義主覆清余相隨多年民五先生賜書中有燕處超然鷗盟仍

在敢以權衡操月旦

余主白話西湖省鎮良言杭州各報筆政凡二十餘年臧否人物自問不涉於私

居然意氣薄雲天

余數次入獄俱

蒙京滬杭甯鄉老營救

園林近市耽陶隱

余所築高陽小廬時有花木在周王廟市東

書畫盈船學米顛

近以書畫自玩未

解深藏偏作賈繭絲課效婉菱菱

余鄉絲繭業慘敗後幾無復問津者余以工人生活問題邀三五友人出而維持之

子女何須計有無故人慰我說非誣

亡友沈玄廬君於冠兒亡時馳書慰籍有凡是青年能繼續我的責任都可作我的子女觀語今余子女

各一皆非已出

香山老去憐歌舞

余納兩姬

彭澤歸來伍釣屠好客依然追北海

願君

子才在日與余同居座上客滿亡後客以余故未散也


偷閑強自署西湖

余近自署西湖閑人

荆妻白髮同周甲殘菊

籬邊入畫圖

海甯行彬許祖謙初稿



序一

天生才必有用礪溪尙待夫廿年人美意以延年璿閣相莊夫
雙美本高陽之苗裔初度開筵聽伍子之海潮一籌添屋南天
瞻極光燦壽星東武凝祥冬和暖日橙黃橘綠蟹乍熟夫尖臍
雪白蘭薰鵲欣連夫比翼其枝之茂者其根之堅也其流之長
者其源之遠也十月剛逢夫紀亥六旬正值夫生申蓋夏正初
十日行彬許先生花甲周期林壬備福而德配朱夫人亦以同
庚而設悅酒將酌彼禮亦宜之先生太岳華宗睢陽忠裔祖庭
傳硯秀早挺於鰈鰲梓舍觀型訓恪遵夫詩禮意氣是何雄傑
鯨海能豪文章蔚爲經綸鳳樓獨造鄙雕龍之輕薄笑屠狗爲

粗疏朱夫人系出紫陽徽貽彤管素嫻四教不徒絮雪之才爲
詠七襄擅得錦雲之巧維時先生鸞膠待續鳳管重調喜缺月
之修成歌谷風之黽勉四十年來離離如也鏘鏘如也詩所謂
宜其室家穀我士女庶幾足以當之矣先生一黌名雋七札技
精攀桂子而天高望蓬山而風引文偏憎命天亦忌才忙到槐
黃空勞針綫彈將柳綠未染衣裾古戰場何處知音目迷五色
舊青氈吾家故物躬抱一經懶看富貴之花不種科名之草何
况東坡磨蝎躔虛坐乎奎垣北寺罹鴻星偏明夫貫索蓋以先
生艱危極友慷慨忤時盡忠以爲人謀往愬而逢彼怒是真仁
者肯從井以救人何以家爲幾望門而投舍曾讀范滂之傳燭